



2020 йил 21 апрел

№ 929а

Богот шаҳарчаси

Ўзбекистон Республикаси Вазирлар Маҳкамасининг 2020 йил 14 апрелдаги “Дехқон хўжаликлари ва аҳоли томорқаларидан самарали фойдаланиш, экин экиш ишларини тизимли ташкил қилиш ҳамда маҳсулот етиштириш ҳажмларини кўпайтириш чора-тадбирлари тўғрисида” ги 216- сонли бу юзадан вилоят ҳокимининг 2020 йил 17 апрелдаги 153қ- сонли қарорларининг ижроси ҳақида

Ўзбекистон Республикаси Вазирлар Маҳкамасининг 2020 йил 14 апрелдаги “Дехқон хўжаликлари ва аҳоли томорқаларидан самарали фойдаланиш, экин экиш ишларини тизимли ташкил қилиш ҳамда маҳсулот етиштириш ҳажмларини кўпайтириш чора-тадбирлари тўғрисида” ги 216- сонли бу юзадан вилоят ҳокимининг 2020 йил 17 апрелдаги 153қ- сонли қарорларининг ижроси юзасидан туманда деҳқон хўжаликлари ва томорқа ер участкаларидан самарали фойдаланиш, экин экиш ишларини тизимли ташкил қилиш ҳамда маҳсулот етиштириш ҳажмларини кўпайтириш мақсадида

ҚАРОР ҚИЛАМАН:

1. Боғ ва ток қатор ораларига картошка, сабзавот ва бошқа экинларни жойлаштириш, деҳқон хўжаликлари ва томорқа ер участкаларидан бир йилда икки-уч марта ҳосил етиштиришни ташкил қилиш, мева-сабзавот маҳсулотлари етиштириш ҳажмларини ошириш юзасидан туман ҳокими ўринбосарлари (С.Қурбонов Э.Худайбергенов), Қишлоқ хўжалиги бўлими (Б.Ямгуров), Ирригация бўлими (С.Ибрагимов), Ер ресурслари ва давлат кадастри бўлими (Р.Рахимов), Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов), Маҳалла фуқаролар йиғинларининг таклифларига розилик берилсин ва қуйидагилар:

Фермер хўжаликлари ва бошқа қишлоқ хўжалиги корхоналарида 2020 йил ҳосили учун боғ ва ток қатор ораларига қишлоқ хўжалиги экинларини жойлаштириш ва маҳсулот етиштириш прогноз кўрсаткичлари 1-иловага мувофиқ;

Деҳқон хўжаликлари ва томорқа ер участкаларида 2020 йил ҳосили учун ўртаки (такрорий) майдонларга қишлоқ хўжалиги экинларини жойлаштириш ва маҳсулот етиштириш прогноз кўрсаткичлари 2-иловага мувофиқ;

Дехқон хўжаликлари ва томорқа ер участкаларида 2021 йил ҳосили учун август-сентябрь пиёзи ва саримсоқпиёз ҳамда тўқсонбости усулида экспортбоп сабзавот экинларини жойлаштириш ва маҳсулот етиштириш прогноз кўрсаткичлари 3-иловага мувофиқ;

Аҳоли хонадонларида 2020 йилда иссиқхоналар ташкил этиш, суғориш қудуқлари қазил, кам таъминланган оилаларга салоҳиятли фермер хўжаликларини бириктириш ҳамда “Бир маҳалла – Бир маҳсулот” тамойили асосида маҳаллаларни ихтисослаштириш кўрсаткичлари 4-иловага мувофиқ тасдиқласин.

2. Туман ҳокими ўринбосарлари (С.Қурбонов Э.Худайбергенов), Қишлоқ хўжалиги бўлими (Б.Ямгуров), Ирригация бўлими (С.Ибрагимов), Ер ресурслари ва давлат кадастри бўлими (Р.Рахимов), Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов), ҳар бир ҳудуднинг ихтисослашуви, тупроқ-иқлим шароити, ерларнинг мелиоратив ҳолати, унумдорлиги, сув билан таъминланганлигини инобатга олган ҳолда қайта ишловчи, тайёрловчи ва экспорт қилувчи ташкилотларнинг талабларидан келиб чиққан ҳолда фермер, деҳқон хўжаликлари ва томорқа ер участкаларида қишлоқ хўжалиги экинларини ўз вақтида тўлиқ экилиши, агротехник тадбирларни ўз вақтида ва сифатли ўтказилишини ташкил этсин.

3. Туман Қишлоқ хўжалиги бўлими (Б.Ямгуров), Фермер, деҳқон хўжаликлари ва томорқа ер эгалари кенгаши (И.Рахимов), Агросаноат мажмуи устидан назорат қилиш инспекцияси (М.Қурбонов), фермер, деҳқон хўжаликлари ва томорқа ер участкаларига қишлоқ хўжалиги экинларининг серҳосил, тезпишар ва экспортбоп навларини танлашда кўмаклашсин ва сифатли уруғликлар билан таъминлаш чораларини кўрсин.

4. Туман Ер ресурслари ва давлат кадастри бўлими (Р.Рахимов), Маҳалла ва оилани қўллаб-қувватлаш бўлими (Э.Рўзметов) 2020 йил ҳосили учун асосий ва такрорий майдонларга ҳамда боғ ва ток қатор ораларига экиладиган қишлоқ хўжалиги экинларини экиш мавсуми якуни билан хатловдан ўтказиб борсин ва натижаси бўйича туман ҳокимлигига ахборот киритсин.

5. Ирригация бўлими (С.Ибрагимов) тегишли ташкилотлар билан биргаликда вегетация даврида ажратилган сув лимитлари доирасида қишлоқ хўжалиги экинлари турларининг сувга бўлган талабидан келиб чиққан ҳолда суғориш графиклари асосида ўз вақтида сув билан тўлиқ таъминласин.

6. "Агрокимёҳимоя" ХАЖ туман филиали (Х.Авезов), "Нефт база" МЧЖ туман филиали (Х.Хўжаниёзов):

фермер, деҳқон хўжаликларига ва томорқа ер эгаларига экин экиш ва парваришлаш учун талаб этиладиган минерал ўғит ва ёқилғи-мойлаш материалларини белгиланган тартибда етказиб беришни;

асосий ва такрорий майдонларга, боғ-ток қатор ораларига экилган қишлоқ хўжалиги экинлари, боғ ва токзорларни касаллик, зараркунанда ва бегона

ўтлардан ҳимоя қилиш учун зарур кимёвий препаратлар захираси яратилишини ва агрокимё хизматлари кўрсатилишини ташкил этсин.

7. Туман сектор раҳбарлари бир ҳафта муддатда ўз ҳудудида 1-2 сотихли камида 100 та хонадонда иссиқхоналарни ташкил этиш бўйича манзилли дастур ишлаб чиқиб, тасдиқласин ҳамда ушбу иссиқхоналар фаолиятини йўлга қўйилишида **шахсан масъул эканлиги белгилаб қўйилсин.**

8. Туман ҳокими ўринбосарлари (С.Қурбонов Э.Худайбергенов), Қишлоқ хўжалиги бўлими (Б.Ямгуров), Ирригация бўлими (С.Ибрагимов), Ер ресурслари ва давлат кадастри бўлими (Р.Рахимов), Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов) Маҳалла фуқаролар йиғини раислари билан биргаликда 2020-2021 йилларда сув таъминоти оғир, истеъмолга яроқли ер ости сув захиралари етарли бўлган маҳалла фуқаролар йиғинлари ҳудудларидаги аҳоли томорқаларига сув етказиб бериш юзасидан суғориш қудуқларини қазिश бўйича манзилли дастурни ишлаб чиқсин ва тасдиқласин.

9. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов), Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов), Туман Бандликка кўмаклашиш маркази (У.Ёқубов) билан биргаликда:

тумандаги ҳар бир сектор ҳудудида камида 1 тадан қишлоқ хўжалигида фойдаланилмаётган ер майдонларига деҳқончилик билан шуғулланиш истагини билдирган иш билан банд бўлмаган аҳолини бириктириш ҳисобига қишлоқ хўжалиги кооперативларини ташкил этилишини;

ҳар бир кооперативга камида 50 нафардан ишсиз фуқароларни аъзо қилиб бириктирсин ҳамда уларга ўрнатилган тартибда субсидия ажратилишини таъминласин.

10. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов) тумандаги кам таъминланган, қаровчиси бўлмаган оилаларга салоҳиятли фермерларни бириктирсин, уларнинг томорқа ерларини шудгорлаш, экин экиш ва парваришlashда ёрдам бериш ишларини ташкил этсин ҳамда маҳаллий бюджетнинг қўшимча манбалари ҳисобидан бундай оилаларга қишлоқ хўжалиги экинларининг уруғлари ва бошқа моддий ресурсларни етказиш ишларига **шахсан жавобгар эканлиги белгилаб қўйилсин.**

11. Маҳалла ва оилани қўллаб-қувватлаш бўлими (Э.Рўзметов) Маҳалла фуқаролар йиғини раислари билан биргаликда томорқа ер участкаларидан самарали фойдаланилмаётган, қаровсиз ҳолда ташлаб қўйилган томорқа ер


эгаларига оширилган ер солиғини қўллаш бўйича туман Солиқ инспекцияларига ўрнатилган тартибда тақдимнома киритиб борсин.

12. Туман Матбуот котиби (М.Абдуллаева) Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов) билан биргаликда деҳқон хўжаликлари ва томорқа ер участкаларидан самарали фойдаланишнинг илғор тажрибалари ва иқтисодий самарадорлигини оммага кенг ёритиб бориш тавсия этилсин.

13. Қишлоқ хўжалиги бўлими (Б.Ямгуров), Фермер, деҳқон хўжаликлари ва томорқа ер эгалари кенгаши (И.Рахимов), Маҳалла ва оилани қўллаб-қувватлаш бўлими (Э.Рўзметов) юқори малакали олим ва мутахассисларни жалб қилган ҳолда қишлоқ хўжалиги экинларини экиш даврида дала шароитида кўргазмали семинарлар ўтказсин ҳамда ресурс тежовчи инновацион технологиялар асосида агротехника тадбирларини ўтказиш бўйича тавсияларни фермер, деҳқон хўжаликлари ва томорқа ер эгаларига етказилишини таъминласин.

14. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов ҳамда туман ҳокимининг қишлоқ ва сув хўжалиги масалалари бўйича ўринбосари Э.Худайбергеновлар зиммасига юклатилсин.

Туман ҳокими



О.Холбоев